

**O‘zbekiston Milliy pedagogika universiteti va
Namangan davlat pedagogika instituti
o‘rtasida mobillik dasturlari bo‘yicha
HAMKORLIK SHARTNOMASI № 7**

10.09

2025-yil

Toshkent shahri

Nizomiy nomidagi O‘zbekiston milliy pedagogika universiteti nomidan rektor v.v.b. Z.Y.Raxmanov bir tomondan va ikkinchi tomondan Namangan davlat pedagogika instituti nomidan rektor B.E.Xusanov, keyingi o‘rinlarda birgalikda “Tomonlar”, quyidagilar haqida mazkur shartnomani tuzdilar:

I. Shartnoma maqsadi

O‘zbekiston Respublikasi Prezidentining 2019-yil 8-oktabrdagi “O‘zbekiston Respublikasi oliy ta’lim tizimini 2030-yilgacha rivojlantirish konsepsiyasini tasdiqlash to‘g‘risida”gi 5847-son Farmoni va O‘zbekiston Respublikasi Vazilar Mahkamasining 2020-yil 31-dekabrdagi “Oliy ta’lim mussasalarida ta’lim jarayonini tashkil etish bilan bog‘liq tizimini takomillashtirish chora-tadbirlari to‘g‘risida”gi 824-son qarorida belgilangan vazifalar ijrosini ta’minlash.

II. Shartnoma predmeti

Mazkur normativ-xujjatlarda belgilangan vazifalar ijrosini ta’minlash maqsadida oliy ta’lim tashkilotlari (keyingi o‘rinlarda “OTT”) o‘rtasida akademik mobillik dasturlari (talabalar, pedagog-xodimlar almashinuvi), o‘quv, ilmiy va ma’naviy-ma’rifiy yo‘nalishlarda hamkorlik aloqalarini tashkil qilish.

III. Tomonlarning huquqlari

Shartnoma tuzuvchi OTT quyidagi huquqlarga ega:

- hamkorlikda davlat ta’lim standarti, o‘quv rejalari, fanlar bo‘yicha o‘quv-metodik majmualari ishlab chiqishda ishtirok etish;
- yaratilayotgan darslik, o‘quv va uslubiy qo‘llanmalarning ekspertizasida ishtirok etish;
- shartnoma miqyosida turdosh oliy o‘quv yurtlarida o‘quv-uslubiy, ilmiy tadqiqot, ma’naviy-ma’rifiy yo‘nalishlarda amalga oshirayotgan ishlar bilan tanishish va o‘zaro tajriba almashinish;
- hamkorlikda xorijiy va mahalliy grant loyihalarini amalga oshirish, ilmiy-tadqiqot ishlarini olib borish, xalqaro ilmiy seminarlar, konferensiyalar tashkil etish va ilmiy maqolalar chop etish;
- o‘zaro kelishuv asosida o‘zaro professor-o‘qituvchilarni malaka oshirish, qayta tayyorlash va stajirovkalarini tashkil etish bo‘yicha takliflar tayyorlash, amalga oshirish;
- o‘zaro kelishuv asosida magistratura va doktoranturada maqsadli kadrlar tayyorlash uchun talabalarni jo‘natish;
- o‘zaro kelishuv asosida yuqori kurs (bitiruvchi kurs bir semestrga) talabalarini har o‘quv yilining bir yoki ikki semestri muddatiga mos ta’lim shakli va yo‘nalishlari bo‘yicha akademik mobillik dasturi asosida o‘qishga yuborish.

IV. Tomonlarning majburiyatlari

4.1. Tomonlar akademik mobillik dasturlari bo'yicha talabalarni o'quv yilining bir semestri muddatiga qabul qiladilar. Tomonlarning kelishuviga ko'ra ushbu muddat yana bir semestrga uzaytirilishi mumkin.

4.2. Ushbu shartnoma asosida hamkor OTTda talabalar tomonidan o'rganilgan fanlar, modullar, amaliyotlar, shu jumladan, tegishli ixtisosliklar bo'yicha ilmiy-tadqiqot ishlari (ITI) Institut tomonidan tan olinadi, talabalarni o'qitish to'g'risidagi hujjatlarga kiritiladi va ta'lim davomida hisobga olinadi.

4.3. Ushbu shartnoma akademik mobillik dasturlari (kelishuvlari) doirasida hamkor OTTda o'qitish va amaliyot o'tash uchun, shu jumladan, ilmiy-tadqiqot ishlar (ITI)ni olib borish uchun yuborilayotgan talabalar (tadqiqotchilar)ga nisbatan amal qiladi.

4.4. Akademik mobillik dasturlari OTTda tuzilgan talabalar akademik mobilligi bo'yicha ikki tomonlama akademik kelishuvlar asosida amalga oshiriladi.

4.5. Akademik mobillik dasturlari doirasida hamkor OTTga yuboriluvchi talabalar soni OTTning moddiy-texnik imkoniyatlaridan kelib chiqib hal etiladi.

4.6. Tomonlar talabalarning akademik mobillik dasturi bo'yicha rektor nomiga yozma ravishda ariza bilan murojaat qilganda ularga dasturga bepul kirish imkoniyatini taqdim etadi hamda ushbu shartnomaning 4.1., 4.4. va 4.5-bandlari bo'yicha ishchi guruh xulosasi asosida ishtirokchilarni tanlab olishni amalga oshiradi.

4.7. Tomonlar professor-o'qituvchilar (pedagoglar) va tadqiqotchilarga akademik mobillik dasturi bo'yicha bepul kirish imkoniyatini taqdim etadi.

4.8. Tomonlar akademik mobillik dasturlari ishtirokchilarining o'quv dasturlarini bajarishlari uchun barcha zarur shart-sharoitlarni yaratadi.

4.9. Tomonlar akademik mobillik dasturlari ishtirokchilari uchun o'qish, yashash joyi (talabalar turar joyi) masalalarini hal qilishda yordam beradi.

4.10. Tomonlar akademik mobillik davri (muddati) tugagandan so'ng o'quv natijalari to'g'risida talabaga belgilangan hujjatlar (akademik ma'lumotnoma, yo'llanma xat, buyruq)ni beradi.

4.11. Tomonlar ushbu shartnomada belgilangan barcha akademik va boshqa qoidalarga rioya qilishlari shart.

V. Xarajatlarni belgilash

5.1. Mazkur shartnomada Tomonlar uchun xech qanday moliyaviy xarajatlar nazarda tutilmaydi.

5.2. Ushbu shartnomada belgilangan vazifalarni amalga oshirish bilan bog'liq zarur xarajatlar Tomonlarning alohida kelishuvi asosida tartibga solinadi.

VI. Shartnomaning amal qilish muddati va bekor qilish

6.1. Ushbu shartnoma tomonlar imzolagan kundan boshlab kuchga kiradi va **uch yil** davomida amal qiladi. Shartnomaning amal qilish muddati tomonlarning o'zaro kelishuvi asosida uzaytirilishi mumkin.

6.2. Ushbu shartnomaning shartlari o'zaro kelishuvlarga asosan o'zgartirilishi, to'ldirilishi yoki muddatidan oldin bekor qilinishi mumkin. Shartnoma bekor qilinishi ko'zda tutilgan hollarda tomonlar kamida bir oy oldin yozma ravishda bir-birlarini xabardor qilishlari lozim.

6.3. Shartnoma bekor qilinish sanasidan qat'iy nazar dastur bo'yicha ta'lim olishni boshlagan talaba ushbu shartnomada belgilangan shartlar bo'yicha o'qishni yakunlaydi.

6.4. Tomonlar mazkur shartnoma bo'yicha hamkorlikni amalga oshirishda O'zbekiston Respublikasi qonunchiligi va teng huquqlilik tamoyillari asosida o'zaro munosabatda bo'lishadi.

6.5. Ushbu shartnoma ikki nusxada tuzilgan bo'lib, tomonlar uchun teng qonuniy kuchga egadir.

VII. Nizolarni hal qilish tartibi

7.1. Ushbu shartnoma yuzasidan yoki u bilan bog'liq holda Tomonlar o'rtasida kelib chiqadigan nizo va ziddiyatlar, tomonlar o'rtasida muzokaralar olib borish yo'li bilan hal etiladi.

7.2. Muzokaralar olib borish yo'li bilan nizoni hal etish imkoniyati bo'lmagan taqdirda, mazkur shartnomaning tuzilishi, shartlarini o'zgartirish, bandlarining buzilishi, ijro etilishi, bekor bo'lishi, tugatilishi va haqiqiyliги yuzasidan kelib chiquvchi barcha nizolar amaldagi qonun hujjatlarida belgilangan tartibda hal etiladi.

VIII. TOMONLARNING REKVIZITLARI

O'zbekiston Milliy pedagogika universiteti

Pochta manzili:

100185, Toshkent shahri, Chilonzor tumani,

Bunyodkor ko'chasi 27-uy

Tel.: +99871 276-76-51

+99871 276-75-93

info@uznpu.uz

Rektor v.y.b

Z.Y.Raxmanov

Yuriskonsult J.Mirxodjayev

J.Mirxodjayev

Namangan davlat pedagogika instituti

Pochta manzili:

Namangan shahar

Uychi ko'chasi

316-uy

+99869 214 10 97

Rektor B.E.Xusanov

B.E.Xusanov

Yuriskonsult J.A.Umarov

J.A.Umarov